

OREOPHILA.

HYPOCHÆRIDIS SP., *Kunth.*

*Pappus* plumosus, sessilis. *Involucrum* imbricatum.

*Involucrum* subrotundum, polyphyllum, imbricatum: *squamis* lanceolatis, obtusis, membranaceis; *exterioribus* apice lanuginosis. *Receptaculum* paleatum: *paleis* lanceolatis, scariosis, uninerviis, acumine longo, setaceo instructis. *Flosculi* lineari-ligulati: *tubo* tenui, ligulâ 5-dentatâ, 6-nerviâ, duplò longiore. *Antheræ* appendiculâ ligulatâ, membranaceâ coronatæ, basi dentibus 2, lanceolatis, acuminatis, membranaceis, æqualibus munitæ. *Stigmata* filiformia, recurvata, minutissimè papillosa. *Achenia* oblonga, ancipiti-compressa, lævia. *Pappus* sessilis: *radiis* simplici serie contiguis, filamentoso-plumosis, validis, inæqualibus, basi crassiore persistentibus.

Herba perennis, cæspitosa, acaulis. Radix fusiformis, cortice fusco obducta, digiti minoris crassitie. Folia numerosa, in orbem acta, humifusa, petiolata, linearia, tunc lanceolata, obtusa, obtusè sinuato-dentata, coriacea, suprâ glabra, subtùs sed præcipuè ad costam mediam pilosa, 2—3-pollicaria. Flos solitarius, sessilis, in foliorum medio latens, magnus, aureus. Pappus cinereus.

Herba locis alpinis incola, unde nomen ab *opos*, *opeos*, *mons*, et *φιλεω*, *amo*, i. e. planta in montibus florescens.

1. *O. sessiliflora.*

*Hypochæris* sessiliflora. *Kunth in H. et B. Nov. Gen. et Sp. Pl. iv. p. 2.*

In Peruviæ summis alpibus Cordilleras de los Andes Hispanicè dictis. *Ruiz et Pavon. 4.*

The uniform sessile pappus has led me to regard this plant as  
constituting